

*Алексей Михайлович Татаринов – Удъурбай
Ньургуһун*

Сабахтан күн көрөн күндээрэн
Таласта халлаанга күөрэйэ,
Ньургуһун тахсарын кэтэһэн
Көрдөөтүм кырдалы кэрийэ.

Күн диэки уостарын тоһуйан
Тэтэрэ тахсыағын баһардым,
Кыыс кэрэ намчытын хоһуйан
Бу баарды астына ыллардым.

Дьиримнээн күн уотун толбоно
Хонууга ойуолуу оонньоото,
Сир халлаан силбэһэ холбоно
Орто сир угутун оймоото.

Оло кэмгэ иннибэр ньургуһун
Көрсүбүт үөрүүттэн тылынна,
Кыс хаары ууларан, оо уһун
Күүтүүлээх сырдыгы ылынна.

Тобуктаан, сэрэнэн санаабар
Ытыспын уунаммын өйөөтүм,
Ааспыты санатан тулабар
Күн эмиэ үөрэрин өйдөөтүм.

Былырыын бу кэрэ ньургуһун
Бу манна көһүтэн турбутун,
Ол кэми билигин олуһун
Эргитэн бу баарды көрөбүн.

Сыл аайы бу маннык эргиллэн
Кырдалы киэргэтэн, эн үүнээр,
Эдэрдии ол кэмгэ тиргиллэн
Кэлэрбэр ньургуһун көрсүһээр.
28.04.2017